

雲南騰越州志卷之十

奉直大夫知騰越州事屠述濂修

邊防兵制 土司 緬考

騰越斗入極西之外錯雜羣蠻之間處處皆邊也修
明兵制撫馭土司招徠緬甸其防守備矣故擬兵制
土司緬考著於篇

兵制

吳志云兵可百年不用不苛二日不備諸葛武侯定南中
不留兵不運糧規模粗定期於夷漢相安非可概之二千
年後也騰越極邊與緬甸接壤往事如鏡非可卒圖欲壯

卓論

其聲勢同我邊隅全滇所係非一州事也元雲南兵志舊屯駐蒙古兵又僉爨彝人一萬爲軍續取新降人等充軍見於史者如此明設衛兵具詳衛制末年兵變爲農不足驅使鄧子龍劉綎於萬歷年間當緬酋鴟張之時專用召募分將姚兵騰兵以驅除寇難衛軍之不足用可知矣我朝設標鎮協營於各直省一洗衛所疲玩之習滇南素號勁旅白休養百年以來兵不習戰乾隆三十一年邊事頓興兵未交而已潰諸將用命行間者十僅一二不但以瘴起引還如元明前事已也今騰越已改協爲鎮龍陵永昌兩協順雲一營相爲犄角不可謂不備又復日加訓練更務戍守不可謂不練春秋傳曰備禦不虞善之大者也故元明不具載但備舉

本朝滇省兵制損益之宜僅爲騰越言也順治十六年大兵取滇時吳三桂就藩雲南加封親王自顧固山二員都統副都統佐領四十二員兵八千四百名復設忠勇義勇各五營十總兵每總兵將一千二百兵凡萬二千人隸藩下又有援剿左右前後四鎮總兵左駐武定右駐曲靖前駐楚雄後駐洱海每鎮兵三千凡萬二千人皆隸藩下又設臨元曲尋廣羅永順四鎮總兵每鎮兵二千四百名共九千六百人又設沅江騰越二協副將每協兵一千共二千

人又設北勝尋霑新碧順雲奉化五營每營兵六百名皆順治十七年設總督駐曲靖初設兵額五千二百名以副將統左右前三營巡撫駐省城初設兵額如總督制康熙元年設雲南提督駐大理統中左右三營初設額兵三千九百名至四六七三年內裁忠勇義勇十總兵六年添設開化鎮七年改設鶴慶鎮每鎮各駐兵三千名是年裁撫標兵督標裁馬步戰兵一千二百名移總督駐貴州中左三營駐雲南前右二營駐貴州又提標裁兵九百名八年設雲南城守營叅將駐楊林以初設順雲奉化二營兵一千二百名裁置十一年復設撫標護衛兵五百名嗣逆藩

反於二十年蕩平總督始移置雲南省城設馬步戰守兵五千名巡撫增至一千八百名移楊林城守營於省城二十四年添提標前後二營合中左右五營兵五千名設曲尋武霑總兵楚姚景蒙總兵開化鶴麗永順臨沅四總兵仍舊廣羅永北均改爲副將援剿四鎮均裁改左右二協左駐尋甸右駐羅平騰越協仍舊復設劍川營副將武定營叅將改設洱海營叅將尋霑廣南二營遊擊新碧順雲二營守備其各標鎮協營俸餉馬乾歲需銀八十萬五千九十五兩有奇米一十五萬一千三百石零二十一年改北勝營爲永北鎮二十四年移廣羅協於廣西府三十一

年增設大理城守營兵一千名裁洱海營叅將三十七年
改新習營守備爲叅將雍正四年改景蒙營叅將駐景東
六年設維西營叅將是年裁援剿左右兩協設昭東雄威
鎮總兵先是四年設東川鎮雄二營叅將至是歸昭通轄
九年設普洱沅威鎮總兵時沅江協副將於七年改爲營
隸沅普洱威鎮是年仍歸臨元鎮撥大理城守營兵二百
於普洱設奇兵營叅將於尋甸撥督撫兩標兵一千名在
駐此九鎮四協十二叅將之制乾隆三十四年經畧公傳
恆善後事宜裁改營制改楚姚曲尋二鎮爲協每協留兵
一千五百名共裁兵三千名改永北鎮爲叅將留兵一千
名裁兵二千名餘除開化臨元普洱臨邊不裁外餘
均裁減有差新設龍陵營遊擊駐兵六百名添設南甸守
備騰越協共增兵五百三十名內撥南甸二百名餘俱存
城其順雲營兵二百三十名皆從各標鎮協營挑選精壯
者撥補此傳經畧裁減添設六鎮六協之制四十年總督
圖思德奏請騰越改鎮永昌龍陵改協騰越添兵一千五
百名合前共兵三千龍陵添兵九百名合前共兵一千五
百永昌裁兵三百四十名存兵二千名仍轄緬寧騰順雲
營如舊改楚姚協爲營統以遊擊提標裁兵七百名又於
督標裁兵四百名撫標裁兵八十名提標裁兵三百四十

名鶴麗裁兵三百四十一名節通裁兵二百名合永昌裁兵
共二千四百人俱撤
無增損騰越鎮在州城為中右二營南甸為左營又於州
城分三汛固東蒲窩緬箐分隸中右營總全滇凡六鎮五
協而騰越鎮則轄二協一營共兵七千五百名為西南一
巨鎮其所控制則南甸干崖隴川盩達猛卯戶撒腊撒遮
放忙市潞江耿馬孟良孟定鎮康灣甸孟連共十六土司
也其所管轄則東至蒙化漾濞過金牛屯界南至外夷蠻
莫界西至野人界北至麗江府標界也其順雲營所管
則東至接蒙化杉松哨界南至接雲龍州馬鞍山界也竊

考前明萬歷十二年設立永騰參將另立義勇營永騰營
官兵一千八十員名駐防騰越又立布嶺營隴守營鎮遠
營共官兵一千五百六十八員名又設八關營官兵一百
八十四員名屯田二十甸官兵一百員名又於四十八年
設隴把守備一員蠻哈守備同時並設此萬歷時設八關
防邊之大畧也金騰兵備道設在成化年間專督衛所土
司官兵天啟二年設中軍一員管理營務騰衝衛領以指
揮使凡同知二員僉事三員千戶所六正副千戶凡十
員百戶四十七員三分馬步旗軍二百八名七分屯軍
千二百九名合丁一千二百五十八名軍餘六千一百六

十六名與衛秩所載大概相同想其時設立營兵已在衛軍之外不可考矣至於我

朝自設騰越協之後衛兵歸農官兵額設副將一員守備一

員千總二員把總四員馬戰兵一百名步戰兵四百名守

兵五百名共官兵一千八員名吳逆平後康熙二十年仍

依舊制其汛防之法以蓋達猛卯爲二大汛各有經制官

一員帶兵更換八關七隘亦各有兵防守時當承平以

越協九百餘實在之兵分蓋達六十名猛卯六十名六隘

同分水嶺蓋西各設兵十名計八十名八關分戍兵各二

十名計一百六十名共分出兵二百六十名後八關六隘

蓋西分水嶺不知何以議撤而猛卯蓋達二汛一百二十

名之制則照舊額設訪之老兵并老土司胥云當年官兵

以出汛爲樂冬初出汛春晚回營無不捆載而歸百餘年

安享太平如此自乾隆三十一年邊事起至三十四年冬

罷兵卽於三十五年出防其始截留滇黔征兵戍守分隴

川蓋達芒市緬寧爲四路南甸亦駐有重兵是冬始定額

隴川駐兵三千三百名蓋達駐兵一千名芒市駐兵一千

名緬寧駐兵四百名共防兵五千七百名派各關卡提鎮

都統並副叅遊侍衛等分將嗣南甸設汛黔兵盡撤三十

六年始定撤留之制霜降則分駐各關瘴起則撤回曩宋

以下由
陽之制

餘於關卡酌留有差是冬出防隴川一路分兵一千名駐龍抱臺以奉詔哈國與不必赴邊指示分營地方故設此三十七年議籌襲擊以金川事起都統待備全撤赴川是冬卽以本省提鎮將備等官出防三十八年減兵二百名出隴川於是有四路四千五百名之防三十九四十年出防如故四十一年裁改營制騰越設鎮始定議鎮標兩協一營兵出防至四十二年緬送我使臣蘇爾相歸四十二年李侍堯請改防爲汛卽於是冬隴川一路撥中右兩營兵五百名赴隴川杉木籠汛左營二百名出干崖汛龍雙兵一百名出芒市三台山緬寧添撥雲營兵一百名移置四十四年春三月撤汛留干崖兵一百名留杉木籠山兵二百五十名分守關卡三台山兵全撤冬十月仍照上屆兵額出汛定出巡制總督年巡邊一次提督年巡邊二次總兵年亦二次此兵制因革之大概也

土司

南甸 隴川 遮放 孟養

猛卯 蠻莫

干崖 孟密

蓋達 木邦

戶撒 蔡山

里麻 腊撒

土司

騰越疆域西至大金沙江自八關築而關內僅有南甸隴川干崖蓋達猛卯五土司地乾隆三十五年於戶腊二撤添設兩長官司遂爲七土司餘俱棄於關外矣騰越居北而七土司在南近州域者惟南甸自南甸而分左右右則爲干崖蓋達左則爲隴川猛卯戶撒腊撒所謂土官者猶

得古人分土之遺意傳祚相承後世重流輕土土官因以自棄騰越土官惟麓川思氏以強橫見滅餘俱保姓受氏以至於今且數百年嗚呼休哉

南甸宣撫司始自刀落蓋其先有刀貢猛者本姓龔江南上元人也明初以百夫長隨師征雲南遷千夫長駐南甸旋以招撫曩猛功授騰衝千戶賜姓刀

按滇通志以爲自改姓此說頗近之

是蓋以衛千戶而駐防南甸者也南甸舊名南宋至元二十六年置南甸路軍民總管府領三甸明洪武十五年改南甸府永樂十一年改南甸州隸布政司時刀貢猛之弟

貢罕通志罕人貢罕爲南甸土知州宣德三年

罕土言爲麓川侵其地請討之朝廷不許諭麓川還其侵

地五年因請於所還地置四巡檢司上命吏部除官八年

又奏與麓川接境舊二百夫長在騰衝千戶所恃賴邦

哈等處軍民兼守後麓川侵據不守者十餘年今蒙勅諭

還竊恐再侵乞於賴邦哈九浪莽孟洞三處各置巡檢以

土軍楊義等三人爲之下三司勘覆如所請正統二年報

麓川思任法奪羅卜思庄二百七十八村乞遣使諭還命

鎮府沐晟處置奏聞會大兵征麓川刀氏從征有功九年

陞州爲宣撫司以貢罕子落硬爲宣撫司通判劉思勉爲

土同知天順二年復置南甸土驛丞時洛硬子落蓋爲宣

撫上言南寧伯毛勝遣千戶蘭愈占其招八地通民逃竄
 朝廷命三司巡按詣勘以所佔地退還治勝愈罪落蓋故
 子刀落賓護遞傳天落遊刀落襟刀落成刀落正刀落泰
 刀落泰漢志當萬歷十一年冬陷於緬其子刀落臨以
 平岳鳳功陞宣慰司是時刀氏再有功於國自落臨傳大
 功落掌落慶落啟落保父子相繼者凡十有一世落保謝
 病讓其兄呈祥時明之季也呈祥立最久以投誠功康熙
 元年重頒印信號紙後呈祥老迭傳啟元恩賜恩賜襲在
 雍正間傳銘鼎以至於今三錫皆世及計刀氏自貢猛起
 至三錫凡二十世越四百年為三宣冠比於古之任宿須

刀氏有
 江表

句顯與世守解濟之祀是何功德而留貽之遠耶然自貢
 猛以招撫曩猛落硬以助平麓川落臨以助討岳鳳世効
 誠節如此至恩賜銘鼎三錫三世皆以幼孤襲恩賜母李
 氏銘鼎母放氏三錫母思氏皆以守志撫孤不墜先業著
 聞是猶有江表風也其世祀也宜哉嗟乎龔氏以一小校
 隨黔國入滇而胙土繇於黔國可不謂賢乎宣撫世居蠻
 于在司東今移永安在司西司治故為府州地在半個山
 下乾隆中移駐防兵及州判於司思氏請於官撤其故署
 室歸永安情詞酸楚事具前州吳楷所紀中其所屬羅卜
 思莊與小龍川皆百夫長之分地其世襲知事者二日謝

氏曰閩氏謝氏居曩宋閩氏居蓋西所部曼獨直通蠻莫
江司南百里爲南牙山險峻延袤幾百餘里爲入緬之大
路上有石梯緣梯而上有木柵周一里昔王驥破麓川取
道於此前通銅壁關關外布領垂哈舊爲百夫長地踰蓋
達外有岡德戶岡近孟養故南甸所部直抵大金沙處昔
日形勢之大概也自八關設而諸險棄之關外以至於今
可慨也夫宣撫本上元龔氏故名家也而從夷姓曰刀其
稱出於賜姓恐未然昔有夷酋三人皆於中國居久之漸
習華風請賜姓於主將將謚之曰汝等謂刀剝耳遂以爲
主而刀氏最多今爲土司者刀氏十居六七漢人之竄入
者皆改姓刀龔改爲刀其意亦然以刀姓世雄長能服諸
蠻也仲雍嗣吳莊躡王滇皆因其俗以爲治數傳之後幾
不似中國人亦何怪哉至南甸刀氏世稱落某通志落作
樂隴川思氏世稱某法他書法作發夷性信機祥小數多
避忌尙吉利故迭傳必帶此稱謂足以永世云其地東至
永昌潞江宣撫司南至隴川宣撫司西至于崖宣撫司北
至本州界其山曰丙弄曰蠻子曰溫泉曰沙木籠曰南牙
其水曰小梁河曰孟乃河曰大盈江俱具山水志其土產
孔雀叫雞紅籐篾其關梁曰武連坡曰小龍州皆名著於
明一統志者也又滇志云俗與木邦同婚聚以穀茶二長

筒雞卵五七籠爲聘客至以茶穀供奉手拈而食之舊額徵差發銀百兩今十一兩

隴川宣撫司

隴川宣撫司者故爲麓川麓川當元世祖中統初其酋多線瓜內附至元十三年乃立麓川路居茫施路之東其地曰大布芒曰朕頭附賽曰朕甲彈吉曰朕尾福祿培皆白夷所居也以其路隸金齒宣撫司都元帥府閱八十年而至順帝至正初麓川路思可法不靖數擾其鄰未知思可法於多線瓜何屬也於是命河州參政賈敦熙討之以瘴起還師再命塔失把都魯討之亦不克引還可法遂乘勝并吞諸路遣其子滿散入貢時中原亂元人不暇顧邊外遂寢而不問麓川遂坐大矣可法死子昭併嗣自立爲官撫傳子臺遍其叔昭省殺而代之踰年昭省爲盜所殺其弟思瓦法代立部下荅魯方刀思郎殺瓦法而立其姪思倫法倫法卽滿散子也時明兵已定雲南洪武十五年倫法於衛指揮王真處降附十六年春諸夷忿貞立衛鎮守不恤衆共推前土府高公構麓川兵數萬破騰衝夷其城執王真沐英遣部校郭均美諭倫法內附倫法聽命遂放貞還因置平緬宣慰使司以倫法爲之尋改爲麓川平緬宣慰使司蓋合元時兩路而爲一勢益大矣十八年倫法復反寇景東都督馮誠擊之失利千戶王鼎戰死二十一

定邊縣名

此西南一大戰

魏家陣見破之法

魏家陣見破之法

魏家陣見破之法

年正月思倫法入寇結砦於摩沙勒沐英遣都指揮賓正
 破之斬首千五百餘級三月倫法悉其衆號三十萬戰象
 百餘復入寇定邊以報摩沙勒之役英選士二萬騎晝夜
 兼行凡十五日抵賊營遣都督馮誠先出奇兵挑之賊以
 萬人驅三十餘象逆戰指揮張因率騎卒五千爲前鋒賊
 渠跨巨象直前我軍注矢連發中象左膝及脇象仆渠走
 追射殺之諸軍譟於前殺賊數百獲一象而還英喜曰賊
 不足平也乃下令置火銃神機箭爲三行列陣中俟象進
 則前行銃箭俱發不退次行繼之又退三行繼之詰旦
 分軍爲三隊馮誠將前賓正將左都指揮湯詔將右將士
 鼓勇進賊悉衆出營結陣以待渠帥把事招綱等皆乘象
 象披甲負戰樓若欄楯懸竹筒於兩旁置短槊其中以備
 擊刺陣旣交象突而前諸軍擊之矢石俱發聲震山谷羣
 象服栗反走張因張榮祖乘之直擣其寨縱火焚之烟焰
 張天還復邀擊殺傷甚衆有昔刺者賊之梟渠也復率衆
 死戰左師少卻英登高望之命左右取其帥首左師遙見
 一人拔刀飛騎下繼率衆更進英督戰益急不移時賊大
 敗斬首三千級俘萬餘人生獲象三十有七餘皆被矢知
 蝟死渠帥乃斯理各中百餘矢斃象背上餘衆潰英帥
 師追之賊連日不食死相枕籍倫法遁去二十二年倫法

遣把事招剛來言往者爲逆皆由刀思郎等乞貸死願輸
貢遣楊大用賞勅往諭倫法令獻刀思郎等百三十七人
并償軍需費倫法從命仍命爲宣慰司定歲貢有差二十
九年緬甸來訴麓川屢以兵侵其地遣行人李思聰等使
緬及麓川倫法惶恐謝罪願罷兵是時倫法所部刀幹孟
叛思聰等以朝廷威德諭其部衆畔者稍戢倫法欲倚使
者力服其下強留之思聰謝歸倫法送之境上語具思聰
傳已而刀幹孟逐倫法倫法奔沐春春與俱至京見上上
憫之命春爲征南大將軍統何福徐凱瞿能等率滇川兵
討幹孟先送倫法於金齒檄幹孟來迎不應遂進兵踰高

巖

梁公山直搗南甸大破之殺其渠刀名孟斬獲甚衆還兵
擊景罕寨不下賊益盛福告急春率五百騎往乘夜至怒
江詰旦徑渡馳躡揚塵蔽天賊以爲大軍至率衆降乘勝
擊崆峒寨賊夜潰走刀幹孟乞降上以其反覆不許福尋
斬幹孟思倫法歸麓川旋死永樂元年倫法子散朋來嗣
號思行法二年遣內官張勣等往諭之行法遣其目刀門
賴訴孟養木邦侵其地時春弟晟嗣西平侯上命晟往諭
之并遣員外左緝賜麓川冠帶襲衣其後每歲入貢十一
年行法請以弟任法襲職從之任法遣使貢象馬宣德元
年遣使賜麓川錦繡時麓川木邦爭界晟奏麓川所屬陀

甸大頭曲比為亂請發岳討上命撫之置麓川所轄大店地驛丞一員以土人刀捧為之三年任法奪南甸地晟復請兵討之不許正統元年晟復論奏任法奪南甸羅思莊等處二百七十八村并累侵干崖騰衝潞江等處擅置官日乞調大兵進討明年十月而思任法反初朝廷以任法與木邦相佐殺奪其官以孟養宣慰刀氏代刀賓玉勢弱不能輯諸夷思任法叛於麓川侵孟定灣甸大殺掠沐晟以聞至是復侵南甸州命晟招之不奉詔三年十二月掠騰衝南甸取孟養地賓玉奔永昌死思任法遂居騰衝

黔國受請征麓川至是無渡江意又忿方督獨往不覺應亦獨何哉

四年正月命晟率方政沐昂討之太監吳誠曹吉祥監軍至金齒思任法遣其弟緬簡斷江立柵師不得渡初刀賓玉時常遣任法使晟晟兒畜之至是遣車琳招任法降佯許諾晟信之無渡江意楊寧曰兵未加而稱降詐也懼有後悔不聽以寧督餉金齒緬簡數挑戰政怒造舟六十艘欲渡江晟不可政憤獨率麾下渡江擊緬簡追至景罕寨破其柵斬首三千餘級獲象三十餘遂與其子瑛部將顧勇等乘勝深入至上江伏四發政求救晟怒其違節制不遣久之以少兵往至夾石不進政至空泥知晟不力援乃遣子瑛還遂策馬突陣死一軍盡沒晟燒江上積聚奔還

至楚雄詔問狀晟懼罪遂卒時任法兵愈橫犯景東孟定
 殺大侯士知州刀奉漢等破孟賴諸寨降孟璉等長官司
 且上書言始因潞江安撫司線舊法相邀報仇後為線舊
 法誣子入寇致大軍壓境惶恐無地今請貢歸命其悖謾
 如此五月以沐昂吳亮馬榮翔張榮進討捷於潞江七月
 思任法屯孟羅大掠據者硬昂進克之賊宵遁威遠土知
 州刀蓋罕又敗之於威江六年思任法遣使入朝謝朝議
 以為可撫楊士奇亦以為然獨張輔以為思氏世職六十
 餘年屢抗王師此而不誅示弱於外夷非策也上從之時
 內臣王振喜立邊功為之至於是王驥蔣貴率十五萬之
 師出而王驥且三征之遂平麓川事具王驥等傳按思氏
 以白夷種元時思可法名始見已跋扈倫法蓋可法之孫
 滿散之子也當洪武時再降再叛至於定邊之役為西南
 一大戰始能剋之其後所部內亂失土來歸又為之出師
 定亂復其故土國恩大矣遺孽任法仍肆跳梁三勞王師
 逃竄阿瓦許以孟養乃得縛歸及其孥屬人三十二由途
 不食垂死奄奄王政斬頭函之北上機法卜法遁匿自如
 其部眾猶擁任法少子思祿於孟養與王驥立誓江邊景
 泰五年緬執機法及妻子六人獻俘京師伏誅卜法遠遁
 詔不必窮追有遺孕思洪法潛居孟養成化時鎮守沐瓚

皆洪
爲下法
之字並
存之以
俟考

極表
章

隴平
司

猶獲任法孫思法送京請發沿海登州衛思民自是遂
亡蓋世濟其凶也征麓之議以張輔爲正若如楊士奇則
既棄安南又棄雲南豈所以爲國乎思任法之狡主司縱
亂之罪不下於黎利而雲南安堵晏然則三征之力也
隴川宣撫司者始於恭項爲日淺而多氏代之以至於今
明正統十一年既平麓川因改爲隴川以恭項爲宣撫恭
項者取麓川時首先歸附故命之也其時土司有同知副
使僉事等官以刀歪孟爲同知刀落曩爲副使隴帝爲僉
事皆從恭項請旋思任子機法卜法復出擾恭項恭項內
奔朝廷以其父子刻虐蠻人安置曲靖卽以同知刀歪孟

爲宣撫未幾死遂以多歪悶代多歪悶者亦白夷種其地

多線瓜當元中統初與麓川內附歸功於思氏退爲隴川

陶孟陶孟者夷言頭目也隴川故平緬也其地曰騾甸曰

羅必四莊曰小沙摩弄曰騾駝頭至元十三年立平緬路

隸宣撫司與朶遠亦作柔遠茫施鎮康鎮西麓川南駝所謂金

齒六路一駝也其陶孟爲線瓜線瓜之子爲多甸法多甸

法之子爲多歪悶自元中統至明正統景泰間百八九十

年凡三世蓋皆老壽而歪悶遂起爲宣撫景泰七年修職

貢成化十九年死守土垂四十年子多亨法代傳子淦淦

三子多鯉多鯨多鯨淦死其兄鯉而自立按問伏辜

立鯉子多參詔爲宣撫司參議死子士寧立有岳鳳者江
西撫州人入士寧幕士寧寵之妻以妹生子曩烏父子梟
雄奸黠如泥澆以罔士寧有姻於內而愚弄之於外不
也時細會莽瑞體虎視詔大招士寧士寧不從岳鳳謂
勸士寧行至擺古歸鳳使其子曩烏醜殺士寧其妻懷印
攜二子多忠多孝奔永昌當事不能救令歸岳鳳襲殺其
妻女奪其印投緬遂據其地時萬歷五年也十年岳鳳遣
兵象數十萬其子曩烏別領兵六萬分道內侵勢張甚事
明人牙莫知所措乃謂列廷鄧子龍以禦之卒擒岳鳳父
子獻俘於朝詔詳劉綎傳事平以士寧子多忠嗣職忠死

多忠順襲二十年莽應襲入寇窺等練思順奔猛卯會官
兵大戰於栗柴壩追逐之思順死蠻莫思正乘其喪襲據
隴川旋去仍歸蠻莫思順子安民乃得立守將索賂不能
堪二十八年安民叛入緬已而緬聽撫遣安民歸安民久
據蠻灣傑驚甚叅將周全遣二指揮襲之爲所敗巡撫周
嘉謨督兵備道叅將等討之其族人挾其弟多安靖誅之
以獻先時萬歷中分隴川副使多恭居遮放同知多俺居
猛卯至是隴川亂甚安民尙幼而安民之弟安邦亦附緬
寄居蠻莫於是文武會謀其立多安靖奏稱隴川與于崖
南甸並爲三宣作我藩徇多安民背漢投緬罪不容誅天

多忠順

討所加已膏鈇鑕安靖以安民親躬絕無從逆之念又有
討賊之功舉其祖父故土而昇之天理人情旣安且順但
因安靖幼乃以副使多恭之子思譚撫安靖行宣撫事俟
十年後安靖已長仍歸安靖又恐思譚竊據不歸以宣撫
印貯於騰越州庫仍設官兵於杉木籠山控制之事詳周
嘉謨傳中於是隴川粗定迨明之季滇中亂多安靖爲流
寇孫可望部下王復臣所殺其子多紹寧以投誠功康熙
初授宣撫世職紹寧年老無子告替以與弟述寧未襲而
故以述寧子多勝祖襲勝祖以年老告替子多治國襲治
國死子多世臣襲在康熙雍正間世臣年老告替子多公
善襲益善亦告致子多有功襲有功死其嫡子朝勳嘗聘
盛達土司刀思儒女未聚而夭以庶弟朝珍娶刀氏乾隆
三十三年襲時軍與隴川當要衝三十四年以失察殺思
瑞偷越部議革職留任三十五年來以多朝相隨蘇爾相
在緬寄信其弟多朝弼首報進延安置昆明四十四年春
正月內多朝珍與族目尚頭不和構爭三月朝珍來州告
病五月二十九日病故州城以多有功胞弟多有爵管理
地方有爵年老今替於朝惠云明一統志云正統十一年
置隴川宣撫司於龍把其地東至芒市南至木邦西至干
崖北至南甌其風俗同南甸山有馬鞍摩黎羅木水有湯

泉土產大芋長尺二三寸而今志云東至猛古猛卜一百
八十里南至慕習酒場一百八十里西至于崖蠻酒八十
里北至杉木籠山頂八十里有上下十二崗四練通老官
屯新街夷境舊額徵發銀一百七兩今八兩按麓川思任
法之變騷動天下僅乃克之亦不能盡其餘葉在法忘其
父失國內奔朝廷爲之討叛安定夷性大羊自矜種類宜
矣隴川岳鳳之變亦然非劉鄧良將何能遠止多氏襲至
柔而可馴故屢蹶仍起以至於今多蓋刀之轉音夷不知
書惟漢人所寫耳

孟聖

孟卯安撫司者所治本麓川地故三麓城也明萬歷初分

隴川副使多恭居遮放同知多俺居猛卯皆多氏族白夷
也時緬猶猖獗多俺爲緬耳且引賊寇隴川多思順患
之二十六年乃糾思化並芒市多泰等擊多俺殺其子多
荒十二月多俺糾衆襲遮放敗還不獲歸猛卯投木邦據
曩義山永昌同知漆文昌投計木邦罕欽令擒之謀洩多
俺欲奔擺古追及雷聳并其子多烘多曩斬之乃築堡於
猛卯號平麓城於是猛密頭目思化敗緬於送速緬逐之
入居蠻莫朝廷以爲蠻莫宣撫司思化死子思正嗣入據
隴川已而回蠻莫緬人潛師襲取思正首而去乃立其弟
思忠後其地爲思線所占據忠乃退處于崖之蠻酒會巡

撫周嘉謨平多安民之亂乃壽平麓城屯田事宜請以忠
安插猛卯開屯改姓衍名衍忠復論擒多安民功授安撫
司世職其後為緬所擄被殺以舍目衍璫承襲時永明王
尚在滇也璫故瑾襲璫死珍襲珍故子瑄襲順治末年瑄
以投誠功仍授世職傳璫志珩珩凡四世皆世及珩故無
子今以弟衍衿襲焉其地東至遮放抵南弄六十里南至
木邦界抵江邊十里西至猛密界暮習天馬關八十里北
至隴川界邦中山頂四十里當衍珩襲職時值緬甸亂其
酋噠喇為得楞子所殺子色九瑞凍山奔木梳頭且甕藉
牙起兵逐敏家復阿瓦城計敗得楞遂由木梳徙居阿瓦

自立舊所屬各土司不服者以兵劫之時色九瑞凍挈妻
子族屬男婦八十餘人至猛卯文武官具以聞總督愛必
達巡撫郭一裕會檄猛卯土司衍珩驅出境時乾隆十九
年也若使當時受之如明初之所以待思倫法者甕氏必
不猖獗諸土司亦不至盡歸於彼惜哉

干崖宣撫司者始祖郝忠國本江南應天人駐干崖干崖
故元之鎮西路也在柔遠路西東隔麓川其地曰干賴

通志

作額·額曰渠瀾·額中統初內附至元十二年立鎮西路軍民
總管府領三甸明洪武十五年改鎮西府永樂元年設干
崖長官司以忠國領其職改名曩歡曩歡遣日奉表貢象

馬賜鈔幣有差五年設古刺驛隸干崖曩歡復遣子思曩朝貢恩賚如例賜姓刀稱刀曩戀正統九年曩戀子刀怕便以征麓川功陞宣撫司以劉英為同知從王驥請也滇志

云正統中刀怕率以麓川功陞宣撫司與此不同也存攷怕便名見明史自怕便傳怕

率怕曩怕開怕落凡四世其叔土舍刀怕愈欺怕落幼劫印奪職蠻眾不服起兵相攻時宏治三年也四年副使林

俊叅將沐詳檄諭之始釋兵歸印怕落年老致仕以怕元

曩怕元死子怕舉曩嘉靖三十九年緬酋莽瑞體叛招諸

土司入寇萬歷初怕舉死其妻罕氏木邦罕拔妹也罕拔

叛拔緬誘怕舉弟怕文且許妻以妹怕文不從遂與之戰

緬兵十萬驟至怕文不支遂內投奔永昌罕拔遂取宣

印付其妹據干崖十年岳鳳破干崖奪其印十一年劉綎

擒鳳父子干崖印竟失所在而滇志云是年冬干崖刀

庚雷弄廖元伯南甸刀落憲蓋達刀思定皆陷於緬不知

刀怕庚又何人也干崖失印部眾無主自相承代者垂三

十年據其譜云怕文奔後怕瑄曩怕舉職三十九年怕瑄

子定邊以要有平叛功仍授世職加三品服定邊年老致

仕子嶺國曩流寇孫可望據滇遣偽都督王復臣以調貢

方物遞加之兵時蓋達副使刀思韜乘亂謀奪其職將定

邊嶺國父子五人送滇省俱被害後嶺國子建勳以投誠

功順治十六年授世職十八年辦赴緬軍需急公紀功賞
齋吳逆叛飭換印信號紙吳逆平後將印制呈繳賴大將
軍營康熙二十四年接顧宣撫司印隨卒子秉忠襲職一
年死子捷泰幼令秉忠弟秉義護理越五年捷泰襲職捷
泰於雍正元年會差赴木邦清理猛古猛卜糧民三十二
戶還報有功捷泰死子鴻業襲職乾隆三十一年邊事起
辦糧辦夫起造營房塘汛爲諸土司中最爲効忠出力四
十四年以年老告替子世侯承襲按干崖刀宣撫本江南
鄰氏到今四五百年刀曩戀有平麓川功刀怕文距罕拔
抗緬曾力戰不支遂歸內地刀定邊當神宗晚年疆事孔
棘屢以平叛之功加服命遭際末流父子死於逆賊何其
戚也其孫建勲復繼以至於今守土輸誠諒哉其地東至
羅卜思莊四十里南至戶樂八十里西至蓋達五十里北
至黃連關五十里有山口曰雲晃山上懸瀑布流爲雲晃河
在東曰雲籠山白蓮山中挺一峰司署居其麓下有白蓮
池其西爲刺朋山水爲雲晃安樂止西之河由蓋西南甸
梁入橫榔江亦爲海壩江其土產則四時皆蠶土錦白蠟
白蓮竹網網肥如鬼云今徵差發銀六兩六錢

蓋達副官撫司者本與干崖爲一族其地亦干崖之一閭
蓋刀怕便之後也其世譜云正統十四年怕便已爲宣撫

朝京師易名思忠以思忠別子思劾爲副長官司居蓋達
思効得子思猛故無子以思効兄思鎮襲思鎮傳子思
國回無子傳子思廷思廷思廷舊歷十年岳鳳父子連緝甸
及主司象兵數十萬分道內侵攻雷弄蓋達于崖施甸思
定求救不得城被圍室俱盡亦云慘矣其子思官又以木
邦罕民勾細破城爲緬所執死之兩世狗國難然考其地
自莽應裴用岳鳳間誘殺罕拔木邦與緬仇而云勾細恐
誤也思官旣死其兄思權立死子思丙立丙死子思韜立
始給副宣撫司印勅而刀定邊刀鎮國父子之被害於孫
可望咸由思韜思韜迨後順治十六年思韜仍以投誠功授副

宣撫世職韜年老辭職子思元襲元死子琳尙幼以其伯
叔思銘思鎰護理相繼病故母撫孤成立襲職琳死子思
弼立弼於乾隆十九年告替子思儒襲今思弼現在年八
十餘矣其地東至于崖河二十里南至回弄三十里西至
山脚土司城在其麓北至猛典五十里有巨石萬仞兩關
壩尾一卡通夷境今徵差發銀四兩四錢按萬歷季年有
刀思魯者曾有築關功蹟其氏譜不載豈逸之耶

戶撒腊撒俱峩昌夷地其土司賴氏况氏本蜀人也明正
統時王驥征麓川重慶賴羅義爲左哨把總奉調隨征有
功令守戶撒羅義傳子玉玉傳弟漢漢傳子猛弄猛弄傳

子鎮鎮傳子豪豪傳弟罕告傳子祥告祥告傳子送
送傳弟遷遷傳洪猛洪猛傳子國瑄凡十二傳如故康熙
十二年吳逆以其地爲沐氏勲庄追繳劄付國瑄死朝佐
以永順鎮給劄協防邊境四十三年頂襲土舍朝佐有庶
子賴文明爭奪失官五十一年改設火頭以其地歸騰越
州已五十餘載乾隆三十四年有干崖賴邦俊者爲通事
伴送猛獁土甸興堂批進京乞請復土舍舊職經副將軍
阿桂總督彭寶奎開復奏言戶撒地處極邊與野夷接壤
詞訟審勘往返需時稽察如私鞭長不及遇有調發呼應
不靈若設莊雜徵員既不足以資彈壓卽僅立土舍亦未

免名實不符應復設長官司以資管轄以符體制現據騰
越州細查舊案賴邦俊之父賴君愛旣係舊土司子孫請
卽以賴君愛承襲戶撒長官司再查戶撒毗連又有腊撒
係蓋姓承襲傳至蓋世祿亦被吳逆占奪今查蓋朝選有
嫡孫蓋榮邦年力精壯人亦誠實亦請給還土職在於邊
防効力且與南甸隴川干崖各土司唇齒相依內外捍禦
於邊較爲得力俱允行於是賴君愛承戶撒然君愛居于
崖之遮木非朝佐嫡派子孫入承戶撒戶撒夷人多不服
其久居戶撒賴君賜與姪賴小五真朝佐嫡派子孫也君
愛承襲後不善撫慰是以屢尋釁端夷衆爭助君賜三十

八年糾集夷氏殺君愛及君榮與幼童應祖君賜逃赴關外有死黨百餘人內有遮漫者其心腹也時令出入探伺官得遮漫因以印扎調君賜君賜從百餘人持刃擁至官兵為却走乃遙呼曰吾固知爾好漢殺人償命法也結黨持刃欲何為君賜氣奪因慰諭之令遣其黨去君賜悉揮之出因泣曰小人竄伏山林亦死何如出一死以完公事耶翌日黎明縛之以永昌及其兇黨皆伏誅仍以君愛子邦傑襲父職其地南至腊撒界隔西至于崖山北至彝旋山東至隴川山管六十四寨編戶一千一百一十男女口

司 腊撒土

同調征南授把總至于崖身故子况倫襲職從征未邦隨

故子况允忠有功給腊撒土守備允忠死子况宣襲職成化間隨征木邦陣亡子况蓋猛襲痛父陣亡以况不祥遂以字為姓蓋猛死子蓋明襲無子死第蓋元襲死子蓋允勝襲無子以姪蓋倫襲倫死子蓋哄猛襲哄猛死子蓋裕襲裕死子世祿襲迨吳逆以戶腊三撒為勲庄蓋可陞矢職可陞故其子蓋朝選於康熙三十九年布政司給劄付雍正二年奉文裁土職歸州管轄自是子孫在腊撒居住與齊民無異乾隆三十五年以遮漫通事賴邦俊請遂

併復腊勦請設長官司事載戶牒下以其裔蓋榮邦為長
官司世襲給印信號紙焉其地東至隴川山南至南泗河
北盡戶撒界溝管三十一寨戶四百五十口二千國百五
十餘家發銀四兩

右查主司者南甸隴川千崖皆為宣撫司所謂三宣也猛
卯特安撫司蓋達為副宣撫司次之戶牒二撒為長官司
又次之俱稱土司自明至今迭傳已數百年此外土目設
於乾隆十二三年間者有四均於秤憂著功者准世襲附
著於後

明光隘土把總左時望係茨竹寨往民承父正邦職

大塘隘土把總二員劉爾立劉爾游係土在民

古勇隘土把總楊祖文原籍江西金谿縣人住居古勇今
經六代四傳至楊東晁奉調出師新街陣亡以其孫祖文
承襲

滇灘關土目柴相賢原籍湖廣襄陽府人明洪武間奉調
隨征到騰分駐滇灘防禦野夷乾隆十二年值滇灘土目
艾允中死乏嗣眾以柴德尊舉充詳准給以土目委牌德
尊傳其子相賢現襲其職

騰越故有六土司自以遮放差發銀歸龍陵廳徵止有五
土司益以新設戶牒二司遂為七土司而遮放則故屬州

可
悉放土

也又隴川江驛有土丞土弁今雖革亦當附列之

遮放副宣撫司者為隴川副使蓋其二也其起自多懷們

與隴川宣撫多至悶皆元初多緝瓜之後明正統元年多

懷們從征猛卯夷有功授副宣撫居遮放麓川平後至孟

為宣撫居隴川傳至萬歷初有多恭多掩時岳鳳亂隴川

宣撫多士寧父子俱死亡時以多恭滇志作多恭為副使居遮

放多掩為同知居猛卯多掩願為緬甸導之寇隴川宣撫

多思順士寧之子患之二十六年擊走多掩殺其子多荒其年

十二月多掩襲遮放敗還走木邦事具前傳會多安順死

其子多安民叛入緬討誅之以其弟多安靖襲他幼乃以

多恭之子多思譚行宣撫事思譚從征蠻莫緬瓦隴川累

功益以隴川江外地為安靖領隴川事詳周嘉謨傳沿至

多爾忠以投誠功當定滇之初仍授是職爾忠死子賢輔

襲賢輔死子世祿襲世祿死子多量襲則在雍正間也

隴川江土驛丞王氏百夫長刀氏

騰越自七土司外其西界大金沙江江外為孟養江內為

蠻莫其南則為孟密又南為緬甸其東為龍陵又東為孟

定東南為木邦又東為孟艮為車里孟艮之南為八百大

甸又東為老撾其大勢如此而逼近騰越惟孟養蠻莫孟

密木邦昔年征戰之所經由老亦附紀之焉

孟養軍民宣慰使司者故元雲遠路也元貞二年於此置
軍民總管府不知其會為誰三昭而刀氏思氏始著明洪
武十五年改路為府十七年改孟養軍民宣慰使司歲輸
差發銀七百五十兩永樂間宣慰使刀木且與曼里相攻
緬會那羅塔襲刀木且殺之及其長子遂據其地四年上
遣張洪論歸之宣德中麓川思氏與木邦罕氏相仇殺罕
氏訴之朝廷不直思氏奪其官以其地歸孟養刀氏代治
正統二年思任法逐刀氏兼取孟養地刀賓玉勢弱不能
支走永昌死地遂為思氏有王驥征之任法遁入緬其子
機法卜法祿法匿孟養任法機法先後捕誅卜法逃思祿

仍據孟養麓川夷推擁思祿法為王改名思洪逐朝廷所
置緬會之子銀起莽且上狀言緬不能撫其人民願立思
氏永當差發時已三征麓川矣驥度終無思氏之望思祿
法礮石金沙江上盟之曰石爛江枯爾乃得渡遂...
雖授思氏金牌終無印信也凡通文書但稱金沙江娜婢
而已成化中思祿以祖母珠帶及諸珍物賂鎮守大監錢
能能召見飲食之思祿稍稍縱橫宏治初上給土酋金牌
信符偶忘孟養久廢止但按舊籍頒給之思祿遂謂天朝
復其官職矣以符牌號召諸夷畧取旁邑以自廣會孟密
叛木邦叅政毛科檄思祿兵攻孟密思祿以羸兵數千應

仍據孟養麓川夷推擁思祿法為王改名思洪逐朝廷所
置緬會之子銀起莽且上狀言緬不能撫其人民願立思
氏永當差發時已三征麓川矣驥度終無思氏之望思祿
法礮石金沙江上盟之曰石爛江枯爾乃得渡遂...
雖授思氏金牌終無印信也凡通文書但稱金沙江娜婢
而已成化中思祿以祖母珠帶及諸珍物賂鎮守大監錢
能能召見飲食之思祿稍稍縱橫宏治初上給土酋金牌
信符偶忘孟養久廢止但按舊籍頒給之思祿遂謂天朝
復其官職矣以符牌號召諸夷畧取旁邑以自廣會孟密
叛木邦叅政毛科檄思祿兵攻孟密思祿以羸兵數千應

科爲孟密所敗思祿大怒遂越界過金沙江攻孟密取蠻莫等十七寨科又勸巡撫金獻民請兵大舉征思祿上不許會思祿遣人奏言爲鄰惡誣誤願入蠻莫十七寨贖罪得比米魯仍乞以一字爲宣慰如故朝議遲疑不決思祿遂據孟養自立爲宣撫焉按滇志所紀載曰爲思洪所據又曰成化中思仁子祿云云似爲兩人然據明史云成化七年錢能言緬甸欲得貢章孟養帝命往勘貢章係隴川分治孟養係思洪發所掌非緬境又余子俊言思洪發不聞有過豈可奪其地因諭思洪發通緬貢道不得阻遏則是思洪卽思祿爲麓川思任法之少子或稱思洪或稱洪

發總一人也然史又稱孟養鄰緬怨緬之執思任法欲報之嘉靖初孟養酋思祿子思倫糾木邦及孟密破緬殺宣慰莽紀歲及其妻子分據其地未知思陸卽思祿否也自正統中思祿遁孟養至嘉靖初已六十年而思任法之祖爲思倫法而思祿之子又曰思倫夫抵夷俗不以爲嫌猶楊邁之後仍稱楊邁耳思倫旣破緬緬訴於朝六年始命永昌知府嚴時泰衛指揮王訓往勘思倫夜縱兵鼓譟焚驛舍殺齋金牌千戶曹義時泰倉皇遁乃別立土舍莽卜信守之而去值安鳳亂內地不暇究其事蓋嘉靖八年也後莽紀歲子瑞體報仇使卓吉侵孟養二十九年孟養

思真使其婿別混殺卓吉瑞體攻別混父子擒之自瑞體
 盛時諸夷多從亂兵備副使許天琦憤之遣指揮侯度持
 檄招諸夷至迤西頭目思箇欲決從違乃設二木牌一書
 天皇帝號一書莽酋名率眾羅拜以下之則莽酋牌領於
 地而天皇帝牌卓立如故乃決意內向莽酋恨思箇急攻
 之思箇告急會天琦卒而羅汝芳替檄調漢土兵赴援師
 至騰越思箇喜令土目馬祿喇送等潛引兵萬餘於阿瓦
 地絕其糧道自率眾伏於曼撒營緬甸截其歸路諸援兵
 自隴川邀其後迤西兵衝其前又會漢兵開江寧石關以
 衝潰緬舟計定緬果為所誘入曼撒思箇敗走不與戰伏

以機

兵塞險隘絕糧道以俟援兵至共擊之久之緬兵饑困其
 以撮金易合米始屠象馬剝樹皮食草根軍中疫作死
 者山積瑞體恐請和思箇不應惟述援兵兵正集騰越而
 有以入賀行者慮為兵與阻移書同事合文止汝芳汝芳
 不聽乃揭於巡撫王凝以兵與禍連語怵之王凝馳檄止
 汝芳汝芳憤極兵不得發思箇困緬已月餘日夜望援竟
 不至岳鳳知之乃集隴川夷二千兼程援緬酋導之由間
 道遁思箇知之率眾追緬緬大敗幾獲瑞體其眾生還者
 十不一二六年廷議遣使至孟養令思箇還所俘緬兵象
 且賚緬金帛好言慰喻之緬不謝七年瑞體復率兵象來

二三思
死
目與兵
也

侵以報憂撤之怨朝廷不能救思箇內奔中塗為奴郎都
等執送瑞體不屈死之瑞體遂盡據迤西地目兵奔永昌
稍安置於內地十二年思義歸孟養十三年思威敗緬於
密堵殺多曩長十七年思遠貢方物賞以金幣授宣慰十
八年緬報密堵之役思遠率其子昏奔蓋西緬以其目曩
瓮據之其後思轟送款於朝與蠻莫思正結為唇齒據金
沙江共抗緬三十年緬襲思正思轟驅兵象倍道救之至
則正已被殺三十二年轟被襲走死緬以其目思華據孟
養華死其妻怕氏領其地又以他目更番戍守頻發其兵
從征強悍不可靡云考孟養自刀木且刀賓玉後為思任

法所并麓川平後其幼子思祿入據之迭傳思倫思箇思
義思威思遠思轟終并於緬凡思氏以名見者如此其世
次則未詳也思氏亡於麓川而竄居孟養猶延祀垂二百
年其地在金沙江外有兩日程古名迤西有香栢城與樂
莫同襟金沙江孟養居其上流南至底馬撒江連西洋北
極吐蕃西通天竺東南鄰於緬山曰鬼窟號稱險要夷人
據為硬寨小有釁則治兵相攻其二下濕夜寒濱江為所
樓以居一日數浴云

蠻莫宣撫司地在金沙江
鼻行者累足自布嶺上
至其地田土饒衍風俗與隴

蠻莫
司

川孟密同東有等練山環以那莫江直走金沙當緬人水
 陸之衝舊為孟密分地其地長稍強擅而有之當緬報怨
 攻孟養時蠻莫士目思化等與瑞體萬歷元年共木邦
 罕拔隴川岳鳳盟奉命以歸中國為錦囊象函貝棄緬
 文稱西南金樓白象可為王書報天皇帝於是蠻
 莫與木邦干崖隴川等處緬人為置將以守之十年緬連
 諸夷入犯劉綎鄧子龍征之綎招岳鳳遂攜鳳父子往攻
 蠻莫平之獲思哲釋不誅露布所謂討蠻莫而隨宥之欲
 逆黨畏威而創懲是也綎兵抵阿瓦蠻莫思順先陷緬至
 是來降時思化居猛哈即蠻哈也與迤西思威本邦罕鳳俱

綎將歸結會朝廷以綎鎮蠻莫思順仍為宣撫司綎遂捨

阿瓦回蠻莫揚兵金沙江振旅而還綎還諸夷多散去緬
 復出攻孟養及蠻莫聲言復仇副使李材遣兵援之戰於
 遮浪大破其象陣生擒五千餘人招蠻莫會思化來歸仍
 居蠻莫十九年緬困蠻莫思化告急會天暑軍行不前裨
 將萬國春夜馳至多設火炬為疑兵緬懼而退大敗之所
 謂萬歷以來西南戰功第一者也二十年九月緬攻蠻莫
 思化奔等練山鄧子龍救之軍等練緬進屯遮遊子龍擊
 之入戰於控哈緬退屯沙洲相持月餘緬尋去二十一年
 十一月緬遣允墨率兵入拔蠻莫思化敗走允墨分道內

犯追思化蓋由思化居蠻莫為中道梗緬故恨思化急攻之時當事不察有安插思化之疏且歸咎於思化其實不然也二十四年十月緬遣思仁內測寇蠻莫思化求救參將吳顯忠擊之斬丙測是時邊威稍振諸蠻皆絕緬入貢二十六年孟養思轟亦來歸二十七年緬攻思轟檄各土司禦之緬潰去時思化之子思正與思轟結為唇齒據金沙江共抗緬二十九年思正乘隴川土司多思順之喪襲隴川已而回蠻莫三十年阿瓦雍罕與木邦罕議復思正取其首而去思轟聞之駟兵象倍道救之至則已

猛瑞
思正
宛
不得承
年矣

世無發難從之縛其使以獻緬怒攻轟轟走死都司王萬年救之亦不及緬以思華據孟養明年陳用賓追副將陳寅擒緬日多罕復蠻莫界焉其後終陷於緬崇禎末蠻莫思繇為緬守囊木河永明走蠻莫思繇使告於緬云按思正為緬所襲殺而滇考云思正奔騰越當事殺正以此卻陳用賓之疏亦自云然後守備李天常之蠻始至橄欖坡有鳥夜鳴聲甚哀天常異之詢之士人對曰自思正死後卽有此鳥哀鳴三年矣因述思正見枉狀天常感之乃祝之曰若果思正當為爾復仇復地遂止不鳴用賓乃為復其地

可孟密土

孟密宣撫司者明之立各土司孟密最在後其會本為木
邦屬地故附木邦有磚城無戍樓產花果瓜蔬與內地同
南牙山峙其北摩勒金沙二水環焉山高田少米穀最貴
又多地羊鬼為行人崇北距州一千里有數道一由木邦
錫渡入一由孟卯至孟廣入一由邦抗魯祖渡莫勒江過
南牙而入一由蠻莫入明永樂間木邦宣慰罕賓法以征
八百緬甸功授以孟密十三處其所部有寶井為木邦利
府陶孟思至領之陶訖者由華言頭目也木邦宣慰司罕
揲法以其女曩罕弄妻思至法明史作罕揲法死其孫罕
空法立明史作嗜酒好殺曩罕弄以尊屬不樂受節制思

曩罕弄
自稱天
學

泰中遂以孟密叛天順二年與思坑攻落法即罕空法也
落法奏之時曩罕弄逃宣慰據公署殺掠隣境兵力日盛
自稱天娘子其子思柄自稱宣慰朝命往撫之驕蹇不服
且欲外結交趾逼木邦其橫如此朝廷置之成化初毛勝
守雲南孟密寶石許得自貢不關木邦大監錢能尤利其
珍賂曩罕弄益怙勢無忌掠地自廣十年侵隴川沐琮奏
之十六年大監王舉索孟密寶石不得因疏孟密叛木邦
罪請征之曩弄大懼會有江西人周興五者逋孟密因為
曩罕弄計遣人資金寶賂政府求釋罪且請授官政府遣
安訖之遂授意副都御史陳宗與序班蘇銓任時十八年

蠻婦何
強天使
所備可
恨

也明年宗至孟密曩罕弄恃有內援益踞傲不出遂宗且
要宗過南牙山就見坐講宗不得已從之曩罕弄乃曰我
孟密之於木邦猶大象之孕小象也今小象長成軀倍大
象矣寧能復入大象腹中乎宗不能折反然之於是旌受
其金給宗上奏以所侵木邦地畀之爲設安撫司以思柄
爲使世其職時二十年也木邦人詣宗訴辯宗輒令止之
狀聞政府大喜遂以宗撫雲南尋遷刑部尙書曩罕弄旣
立盡奪木邦地罕空法奔猛正雖屢次奏訴竟不得直由
是孟養諸會大不平遣大陶孟倫索提兵衛罕空聲言必
滅孟密會宏治改元副使林俊稍割孟密地還木邦曩罕
弄懼不敢逆命遂與木邦並立爲世仇矣三年罕空法登
宗等受金事時宗已致仕追論之獄具帝以事在赦前不
問六年守臣奏孟密侵奪木邦兵連禍結垂四十餘年屢
撫屢叛勢愈猖肆請討之不行九年罕空法及思揆各遣
使貢初思揆圍蠻遮木邦宣慰妻求救於孟養思陸孟密
素畏思陸之兵聞其將至遂解去木邦與思陸謀共取孟
密於是蠻中之患又在孟養矣自萬安程宗勘處失宜諸
酋紛紛進退中國用兵且數十年嘉靖初思陸子思倫與
木邦宣慰罕烈殺緬酋莽紀歲而分其地自思柄授安撫
繼之者思揆思真真年至百十歲其後思奔思溷爭立緬

人爲殺奔立涸萬煙中涸改名思忠率思化思服來歸遂
陞爲宣撫忠復投緬朝廷以其母罕烘爲宣撫十六年緬
攻孟密罕烘不能支率子思禮從子思仁奔孟廣而孟密
遂失十八年緬復攻孟廣罕烘思禮奔隴川思仁奔王回
而孟廣又失先是思忠復投緬其妻甘線姑通於思仁欲
妻之罕烘不許至是以雅蓋犯隴川欲擄線姑不得亦歸
緬緬以孟密界之食其地

木邦土司

木邦軍民宣慰使司者古爲百夷卽爨夷也在雲南之西
南舊云自古不通中國爾漢志云蜀漢木鹿王之裔理或
然也元世祖時命將伐交趾經其所部盡降之酋名孟都
又名孟邦至元二十六年立木邦路軍民總管府領三甸
洪武十五年改木邦府以罕的法爲土知府永樂二年改
木邦軍民宣慰使司以罕的法爲使時征八百罕的法功
最遣使賚之及其部領皆遍明年來貢頒賜及其母妻罕
的法罕賓法來朝七年奏緬僉誘臣叛不敢從逆若天
兵下臨誓効命帝嘉其忠勅勞之重賜及其祖母母妻十
年遂徵緬二十餘城寨獻俘京師宣德三年罕門法罷遣
使慰賜并及祖母母妻正統三年征麓川以兵會五年罕
蓋法與其祖母美罕板大敗麓川於孟定孟璉地殺部長
二十斬首三百餘級獲馬象氣械甚衆帝嘉其功加罕蓋

法懷遠將軍封美罕板太孺人七年又攻拔板罕貢章等
寨追至孟蒙獲其孥及家遣陳儀勞之且曰世世世賊首獻
卽予以麓川八年免其歲辦金萬四千兩遣使詣且獻所
獲思任法家口十一年同緬甸獻思任法且任職責因求
麓川地朝廷以孟止地給之并遣諭祭其母以表忠勤免
歲辦八錠銀三年景泰元年奏乞地未報其子罕落法輒
發兵據之詔易以底廡之地四年罕落法襲族人搆難落
法遊於孟理遣人求救詔撫諭之俾與族人盟然落法不
敢歸仍居孟都歲辦兵二百員有詔之天順元年鎮守
奏落法與所部相攻求救朝廷以非犯邊不許蓋所部卽

孟密也明年落法奏爲思坑曩罕弄所攻蓋曩罕弄據孟

密而叛木邦也史稱曩罕弄爲宣慰罕揲法之女嫁孟密

思外法卽思罕弄法卒孫落法嗣曩罕揲人與爭

按木邦傳木邦始罕的法而罕賓法罕門法罕蓋法蓋法

卽落法之父無有揲法又稱孟密復叛木邦因宣慰罕挖

法親迎婦於孟乃寨孟密土舍思揲復木邦誘高谷落落等

聚兵阻路罕挖法不得歸依孟乃三年巡撫張誥奏遣大

員撫諭思揲猶不服乃耀兵示必征高谷落落等懼謀歸罕

挖法思揲欲殺之罕挖法乞救乃調土兵合三宣兵至蠻

遮思揲懼始解去罕挖法乃得歸木邦史不詳其年月又

一傳中既稱罕落法又稱罕挖法未知其卽一人或兩人
既稱落法避於孟梗又稱挖法困於孟乃未知其卽一事
或兩事史之橫決錯亂如此惟滇志與陳氏八編俱云罕
揲卒孫罕窆立而史既稱蓋法子落法又稱罕揲法卒孫
落法嗣後又有罕挖法故不如滇志之簡明也嘉靖初宣
慰罕烈與孟養思倫滅緬分其地隆慶二年土合罕拔告
襲不得叛投緬時緬莽瑞體復強用罕拔收隴川萬歷十
一年其子應裏誘拔殺之以弟應龍襲木邦拔子進忠攜
妻子奔內地緬追至姚關焚順寧而去十一年官兵破緬
立進忠子欽欽死其叔罕禱約邏羅攻緬緬恨之遂以三
十萬衆圍其城請救於雲南援兵不至城陷罕氏遂亡緬
以孟密思仁領木邦思仁憑恃瓦夷差其目海慶據控尾
求猛彝寨又與召依坎換象干戈相尋焉其地東爲孟定
南爲孟密西爲緬甸北爲芒市自姚關渡喳哩江十二日
至其地夷類數種男子皆衣白文身髡髮修眉睫
婦人則白衣桶裙耳帶金圈手帶象珣其產響錫胡椒拔
木邦於明初自罕的法而罕賓法而罕門法而罕蓋法而
罕窆史作落法而罕烈而罕拔而罕進忠而罕欽而罕禱以名
見者凡十其世次未盡詳也木邦罕氏最忠順於明屢有
大功明所以賓禮之最渥不同他土司故於六慰中分地

最廣其近騰之西北為茶山里麻茶山距州五程在高黎
 貢之北極高而寒五穀不蒔其人強悍喜鬪舊屬孟養明
 永樂三年孟養糾上江刀孟永叛夷目早章不附五年請
 命賜印授章為茶山長官司十五年章與頭目早堯為副
 傳至早玉授正長官其北與麗江野人接壤明末副長官
 早大宸所部為野人殺掠無孑遺奔入內地惟正長官早
 鄧所部尚存其地南至南甸西至里麻
 里麻長官司司其東接茶山西北皆野人有整冬温冬二山
 部夷皆蛾昌蠻舊屬孟養明永樂三年孟養土目早信有
 巨賊功六年願印世授長官萬歷中刀思慶襲早奔副之
 沿至思虎為野人所掠盡棄其地輿把事李廷高奔赤石
 坪副長官堪信亦被殺無遺類焉考吳宗堯之論則宜歸
 州轄為屏蔽

緬考

緬甸古越裳地接於南交為禹貢梁州外境在哀牢之外
 漢氏所謂西南夷者也漢曰揮國唐曰驃國至宋而緬之
 名始見元封以王明初頗衰不過在三宣六慰雲南土司
 之屬中葉漸強雄蠶食諸土司遂與明為敵迫其季也斷
 其餘葉一舉而空之何其酷哉顧自紀緬者或謂自古不
 通中國或謂西南夷不知何種蓋未之考也自漢光武二

十七年哀牢王賢栗有中國聖帝之占舉種內附至明帝
永平十二年柳貌繼之遂置永昌郡風教漸通矣和帝永
元八年永昌郡徼外敦忍乙王莫延慕義遣使獻犀牛大
豕九年徼外蠻及掸國王雍由調奉國珍寶重譯來獻帝
賜以金印紫綬小君長皆加印綬錢帛安帝永初元年僬
僥種夷陸類等內附獻象牙犀牛封牛永寧元年雍由調
復遣使者詣闕朝賀獻樂及幻人能變化吐火自支解易
牛馬頭又善跳丸數乃至千自言我海西人海西卽大秦
也掸國西南通大秦明年元會帝作其樂於廷封雍由調
爲大都尉賜印綬金銀幣各有差漢書音註揮音擅東觀
漢記揮音壇揮與緬音近此緬國之所由來也雍由調與
莫延陸類皆附永昌郡徼外而又獻樂於漢廷和帝至作
之於元會其爲歡動中朝禮數有加猶越裳而以來雍羌
之獻樂於唐其繼志者也唐時驃樂之進由南詔其傳曰
驃古朱波也自號突羅朱闍婆國人曰徒里拙在永昌南
二千里去京師萬四千里東陸真臘西接東天竺西南墮
和羅南屬海北南詔地長三千里廣五千里東北袤長屬
羊苴咩城凡屬國十八曰迦羅婆提曰摩禮烏特曰迦犁
迦曰半地曰彌臣曰坤朗曰偈奴曰羅聿曰佛代曰渠論
曰婆梨曰偈陀曰多歸曰摩曳餘卽舍衛贍婆闍婆也凡

鎮城九日道林王曰悉利移曰三陀曰彌諾道立曰突曼
曰帝偈曰達梨謀曰乾唐曰末浦凡部落二百九十八以
名見者三十二曰萬公曰充惹曰羅君潛曰彌綽曰道雙
曰道甕曰道勿曰夜半曰不惡奪曰莫音曰伽龍朕曰阿
梨吉曰阿梨開曰阿梨忙曰達磨曰求潘曰僧塔曰提梨
郎曰望騰曰擔泊曰祿烏曰乏毛曰僧迦曰提追曰阿末
邏曰逝越曰騰陵曰歐咩曰磚羅婆提曰祿羽曰陋蠻曰
磨地勃繇彌臣至坤朗又有小崑崙部王名茫悉越俗與
彌臣同繇坤朗至祿羽有大崑崙王國王名思利泊婆難
多珊那川原大於彌臣繇崑崙小王所居半日行至磨地
勃柵海行五月至佛伐國有江支流三百六十其王名思
利些爾他有川名思利毗離芮土多異香北有市諸國估
船所湊越海卽閩婆也十五日行踰二大山一曰正迷一
曰射鞬有國其王名思利摩訶羅閩俗與佛伐同經多葺
補邏川至閩婆八日行至婆賄伽盧國土熱衢路植椰子
檳榔仰不見日王居以金爲甕府覆銀瓦爨香木堂飾明
珠有二池以金爲隄舟楫皆飾金寶驃王姓因沒長海原
羅惹其相名曰摩訶思那王出輿以金繩牀遠則乘象嬪
史數百人青甕爲圓城周百六十里有十二門四隅作浮
圖民皆居中鉛錫爲瓦荔茭爲材俗惡殺拜以手抱臂稽

類爲恭明天文喜佛法有百寺琉璃爲甃錯以金銀丹彩
紫礦塗地覆以錦刻王居亦如之民七歲祝髮止寺至二
十有不達其法復爲民衣用白氈朝霞以蠶帛傷生不敢
衣戴金花冠翠冒絡以雜珠王宮設金銀二鐘寇至焚香
擊之以占吉凶有巨白象高百尺訟者焚香跽象前自思
是非而退有災疫王亦焚香對象跽自咎無桎梏有罪者
束五竹捶背重者五輕者三殺人則死土宜菽粟稻梁蔗
大若脛無麻麥以金銀爲錢形如半月號登伽陀亦曰足
彈陀無膏油以蠟雜香代炷與諸蠻市以江豬白氈琉璃
毳布相易婦人當頂作高髻戴銀珠玕衣青娑裙被羅縠
行持扇貴家者傍至五六近城有沙山不毛地亦與波
娑羅門接距西舍利城二十日行西舍利者中天竺也南
詔以兵疆地接常羈制之貞元中王雍羗聞南詔歸唐有
內附心異在尋遣使楊加明詣劍南西川節度使韋臯請
獻夷中歌曲且令驃國進樂人於是臯作南詔奉聖樂用
正律黃鐘之均宮徵一變象西南順也角羽終變象戎夷
革心也舞六成工六十四人贊引二人序曲二十八疊舞
南詔奉聖樂字舞人十六執羽翟以四爲列舞南字歌
王無爲化舞詔字歌南詔朝天樂舞奉字歌海宇修文化
舞聖字歌雨露覃無外舞樂字歌闕土丁零塞皆一章二

疊而成舞者初定執羽簫鼓等奏散序一疊次奏第二疊
四行贊引以序入將終雷鼓作於四隅舞者皆拜金聲作
而起執羽稽首以象朝覲每拜跪節以鉦鼓次奏拍序一
疊舞者分左右蹈舞每四拍揖羽稽首拍終舞者拜復奏
一疊蹈舞抃揖以合南字字成偏終舞者北面跪歌導以
絲竹歌已俯伏鉦作復揖舞餘字皆如之唯聖字詞末皆
恭揖以明奉聖每一字曲三疊名爲五成次急奏一疊用
十八人分行聲折象將臣禦邊也字舞畢舞者十六人爲
四列又舞闕四門之舞遠舞入徧兩疊與鼓吹合節進舞
三退舞三以象三才三統舞終皆稽首退巡又一人舞

萬壽之舞歌天南溟越俗四章歌舞七疊六成而終七者
火之成數象天子南面生成之恩六者坤數象西南向化
凡樂三十工百九十六人分四部一龜茲部二大鼓部三
胡部四軍樂部龜茲部有羯鼓指鼓腰鼓雞婁鼓短笛大
小箏箎拍板皆八長短簫橫笛方響大銅鈸貝皆四凡工
八十八人分四列屬舞筵四隅以合節鼓大鼓部以四爲
列凡二十四居龜茲部前胡部有箏大小箏篪五絃琵琶
笙橫笛短笛拍板皆八大小箏箎皆四工七十二人分四
列屬舞筵之隅以導歌詠軍樂部金鐃金鐸皆二柶鼓金
鉦皆四鉦鼓金飾蓋垂流蘇工十二人服南詔服立闕四

柶應作
柶全柶
柶對柶
柶之柶

門舞筵四隅節拜合樂又十六人畫半臂執柶鼓四人爲
列舞人服南詔衣絳裙襦黑頭囊金佉苴畫皮鞞首飾祿
額冠金寶花鬘襦上復加畫半臂執羽翟舞俯伏以象朝
拜裙襦畫鳥獸草木文以八綵雜華以象庶物咸遂羽翟
四垂以象天無不覆正方布位以象地無不載分四列以
象四氣舞爲五字以象五行秉羽翟以象文德節鼓以象
號令遠布振以鐸明采詩之義用龜茲等樂以象遠夷悅
服鉦鼓則古者振旅獻捷之樂也黃鍾君聲配運爲土明
上德常盛黃鍾得乾初九自爲其宮則林鍾四律以正聲
應一象六君南面提天統於上乾道明也林鍾得坤初六
其位西南西南感至化於下坤體順也太簇得乾九二是
爲人統天地正而三才通故次應以太簇三才旣通南呂
復以羽聲應之南呂西方金也羽北方水也金水悅而
應乎時以象西戎北狄悅服然後姑洗以角音終之姑故
也洗濯也以象南詔背吐蕃歸化洗過日新臯以五宮異
用獨唱殊音復述五均譜分金石之節奏一曰黃鍾宮之
宮軍士歌奉聖樂者用之舞人服南詔衣秉翟俯伏拜抃
合南詔奉聖樂五字倡詞五舞人乃易南方朝天之服絳
色七節襦袖節有青襍畫以象鳥翼樂用龜茲胡部金
鉦柶鼓僊貝大鼓二曰太簇宮之宮女子歌奉聖樂者用

之合以管絃若奏庭下則獨舞一曲樂用龜茲鼓笛各四
部與胡部等合作琵琶笙篳篥皆八大小箏箏五絃琵琶
長笛短笛方響各四居龜茲部前次貝一人大鼓十一
分左右餘皆坐奏三日姑洗角之宮應古律林鍾爲徵宮
女子歌奉聖樂者用之舞者六十四人飾羅綵襦袖間以
八采曳雲花履首飾雙鳳八卦綵雲花鬘執羽爲拜拊之
節以林鍾當地統家歲功備萬物成也雙鳳明律呂之和
也八卦明還相爲用也綵雲象氣也花鬘象冠也合奉聖
樂三字唱詞三表天下懷聖也小女子字舞則碧色襦袖
象角音主木首飾巽卦應姑洗之氣以六人畧後象六合
一心也樂用龜茲胡部其鉦柁鏡鐸皆覆以綵蓋飾以花
跌上陳錦綺垂流蘇按瑞圖曰王者有道則儀鳳在鼓故
羽葆鼓柄以鳳凰鉦棲孔雀鏡鐸集以翔鸞鉦柁頂足又
飾南方鳥獸明澤及飛走翔伏鉦柁鏡鐸皆二人執擊之
貝及大鼓工伎之數與軍士奉聖樂同而加鼓笛四部四
曰林鍾徵之宮歛拍單聲奏奉聖樂丈夫一人獨舞樂用
龜茲鼓笛每色四人方響二置龜茲部前二隅有金鉦中
植金鐸二貝二鈴鈸二大鼓十二分左右五曰南呂羽之
宮應古律黃鐘爲右之宮樂用古黃鐘方響一大琵琶五
絃琵琶大箏篳篥倍黃鐘箏箏小箏箏箏箏箏箏箏箏箏箏

此下序
錄樂
據身者
山詩則
針難能
乃雅完
之子

黃鐘簫笛倍笛節鼓拍板等工皆一人坐奏之絲竹援作
一人獨唱歌工復通唱軍士奉聖樂詞雍雉亦遣第悉利
移城王舒難陀獻其國樂至成都韋臯復譜次其聲以其
舞容樂器異常乃圖畫以獻工器二十有二其音八金貝
絲竹匏革牙角塗二貝一絲七竹二匏二革二牙一角二
鈴鉦四制如龜茲部周圓三寸貫以韋擊磕應節鐵板二
長三寸五分博二寸五分面平背有柄係以韋與鈴鉦皆
飾條紛以花氈縷爲樅螺貝四大者可受一升飾條紵有
鳳首笙篴二其一長二尺腹廣七寸鳳首及項長二尺五
寸面飾虺皮絃一十有四項有軫鳳首外向其一項有條

軫有龍首等二其一形如龍長四尺有四足虛腹以龍皮
背面及仰肩如琴廣七寸腹濶八寸尾長尺餘卷上虛
中施闕以張九絃左右一十八柱其一兩飾彩花傳以虺
皮爲別有龍首琵琶一如龜茲制而項長二尺六寸餘腹
廣六寸二龍相向爲首有軫柱各三絃隨其數兩軫在項
一在頸其覆形如獅子有雲頭琵琶一形如前面飾虺皮
四面有牙釘以雲爲首軫上有花象品字三絃覆手皆爲
虺皮刻捍撥爲舞崑崙狀而形飾之有大匏琴二覆以半
匏皆彩畫之上加銅甌以竹爲琴作虺文橫其上長三尺
餘頭曲如拱長二寸以銀點穿甌及匏本可受二升大

亦製
亦製
亦製
亦製
亦製
亦製
亦製
亦製
亦製
亦製

絃應太簇次絃應姑洗有獨絃匏琴以班竹爲之不加飾
刻木爲虺首張絃無軫以絃繫頂有四柱如龜茲琵琶絃
應大簇有小匏琴二形如大匏琴長二尺大絃應南呂次
應應鍾有橫笛二一長尺餘取其合律去節無瓜以蠟
首上加獅子頭以牙爲之穴六以應黃鍾商備五音七聲
又一管唯加象首律度與筍勗笛譜同又與清商部笛聲
合有兩頭笛二長二尺八寸中隔一節節左右開行氣穴
兩端皆分洞體爲笛量左端應太簇管末三穴一姑洗二
蕤賓三夷則右端應林鍾管末三穴一南呂二應鍾三太
呂下托指一穴應清太簇兩洞體七穴共備黃鍾應鍾商

均有大匏笙二皆十六管左右各八形如鳳翼大管長四
尺八寸五分餘管參差相次製如笙管形亦類鳳翼竹爲
簧穿匏達本上古八音皆以木漆伐之用金爲簧無匏音
唯驃國得古製又有小匏笙二製如大笙律應林鍾商有
三面鼓二形如酒缸高二尺首廣下銳上博七寸底博四
寸腹廣不過首肩以虺皮束三爲一碧條約之下當地則
不昂四面畫驃國工伎執笙鼓以爲飾有小鼓四製如腰
鼓長五寸首廣三寸五分肩以虺皮牙釘彩飾無柄搖之
爲樂節引贊者皆執之有牙笙穿匏達本漆之上植二象
牙代管雙簧皆應姑洗有三角笙亦穿匏達本漆之上植

三牛角一黃應姑洗餘應南呂角銳在下穿匏達本柄皆
皆直有兩角莖亦穿匏達本上植二牛角黃應姑洗匏以
彩飾凡曲名十有二一曰佛印騾云沒馱彌國人及天竺
歌以事王也二月讚娑羅花騾云隴莽第國人以花爲衣
服能淨其身也三月白鴿騾云答都美其飛止遂情也四
曰白鶴游騾云蘇設底哩謂翔則摩空行則徐步也五日
鬪羊勝騾云來乃昔有人見二羊鬪海岸疆者則見弱者
入山時人謂之來乃者勝勢也六曰龍首獨琴騾云
彌思彌此一絃而五音備象王一德以畜萬邦也七曰禪
定騾云掣覽詩謂雜俗家聲也七曲曰舞督律應黃鍾商
八曰甘蔗王騾云暹思思謂佛教長如蔗之甘皆悅其味
也九曰孔雀王騾云桃臺謂毛采光華也十曰野鵝謂飛
止必雙徒呂畢會也十一曰宴樂騾云麗聰網摩謂時康
宴會嘉也十二曰滌煩亦曰笙舞騾云扈那謂時滌煩譬
以此適情也五曲律應黃鍾兩均一黃鍾商伊越調一林
鍾商小植調樂工皆崑崙衣絳氍朝霞爲蔽膝謂之祇禱
兩肩加朝霞絡腋足臂有金寶鑲釧冠金冠左右珥璫條
貫花髮珥雙簪散以毳初奏樂有贊者一人先導樂意其
舞容隨曲用人或二或六或四或八至十皆珠貫拜首稽
首以終節其樂五譯而至德宗授舒難陀大僕卿還開

漢書
明

州刺史唐次述驃國獻樂頌以獻太和六年南詔掠其民
三千徙之拓東然則緬甸自漢及唐皆進樂於中國史傳
所載如是之詳且云其地北接南詔東北袤長屬羊苴咩
城今太和縣城也盛則總歸於一曰禪曰驃衰則各主目
分踞之互爲雄長不專一名而今阿瓦猶曰驃國城其地
有曰驃甸雖南詔君長亦稱驃信非自古不通中國者也
宋自玉斧一畫遂棄雲南何況塞外然白象之貢尙紀緬
甸與波斯迨至元開雲南始遣乞解脫因招緬甸至元十
三年緬入寇大破之遂征緬至江頭招降其部甚多以天
熱還師十九年二月在緬二十年十一月克之二十三年

伐緬二十四年緬始平大德元年封僧的立普哇拿阿迦
提牙爲緬王子信合八的爲緬世子緬之稱王自此始四
年進白象五月王爲其弟阿善歌也所殺詔立其子窟麻
歌撒八爲王罷征緬自是終元之世常遣使入貢明洪武
二十八年其僧卜刺浪遣使來貢永樂元年設緬甸宣慰
使司以那羅塢充之初卜刺浪分緬地以長子那羅塢管
大甸次子馬者速管小甸卜刺浪死那羅塢奪其弟地訴
於朝詔兩解之時與木邦相仇殺子弟潰散國人共推莽
得刺權襲宣德二年遂以爲宣慰使八年入貢正統十二
年以故宣慰子馬哈省以速刺並爲宣慰使景泰二年賜

金牌信符是時緬甸與車里末邦老撾八百大甸大苦刺
麗川平緬馬撒爲八宣慰使之一故等夷而緬甸且爲木
邦孟密所弱殺宣慰莽紀茂時嘉靖元年也六年乃命永
昌府嚴時泰別立土舍莽卜信守緬甸紀歲子瑞體匿洞
吳母家長遂據洞吳并古喇勝孟養招誘三宣不可制矣
瑞體死子應裏嗣尤桀黠萬歷十年劉綬鄧子龍大破之
直抵阿瓦自是賊稍斂二十三年巡撫陳用賓用暹羅間
緬甸是緬頓衰迨至順治十八年莽猛弒兄自立戡永明
王君臣自是不通中國者六七年雍正七年與整齊攝
兵求進貢而不果蓋百十年來中國幾不知有緬甸矣至
乾隆十一年而吳尙賢出吳尙賢者石屏州民也家貧走
廠抵徼外之葫蘆國其酋長大山王蜂筑信任之與開茂
隆廠廠大贏厥例無尊卑皆以兄弟稱大爺主廠二爺統
衆三爺出兵時尙賢爲廠主三爺則口某也廠興旺極衆
數十萬一有警則兄弟全出尙賢身才小然臨陣輒先鬚
雖少然擢起見者如遇矮脚虎無不驚走廠徒多才力數
百舢礮可手挽而發之凡在夷方開廠者互聯絡有夷衆
憎某廠欲攻之而憚茂隆阻用重幣假道尙賢陽許之而
陰告某廠備之夷大敗回過茂隆截之無一脫者所獲
不可勝計衆大歡飲讌中酒尙賢大哭哀不可止衆驚請

故尚賢曰吾非哭他哭此厥敗矣吾與眾兄弟忍饑寒開
 此厥今一旦有此无妄財懷父母妻子各思歸吾一人能
 支乎為蠻有矣於是諸人各被酒為豪舉盡探懷中所掠
 者棄之淵其操縱人皆此類也諸莽賊皆緬也畏之甚不
 敢侵然尚賢為人陰賊戾深平生所與故人聞其富往省
 之歡迎款接厚貺之抵境輒使人殺而奪之回如是非一
 其三爺某者心不善之謂此非可久與處也乃謀自脫因
 請尚賢欲假徒往山獵尚賢許之因以其徒入葫蘆獵所
 得禽時以遺蜂筭蜂筑不之虞也一夜遂破其國而有之
 尚賢屢招其歸某不答先是尚賢之隣有某者性忠實會
 為小武官頗識字會以老革不能自存往省尚賢尚賢
 富而妻子故在石屏從不寄分毫至是謂某曰凡來無能
 將吾銀出境者吾今使人送汝出且附銀與其妻某歸其
 妻趣使復往幸多得尚賢雖豪然故厥徒不識官場事某
 因以進貢說之可邀恩得葫蘆王王尚賢正無如三爺者
 何聞若言即心動某因為稟介耿馬土司罕世屏獻茂隆
 厥抽銀課時銀之出也不可思議公私大充足當是時羣
 蠻最畏者茂隆吳尚賢與桂家宮裏雁桂家者江寧人故
 亦明入緬所遺種也緬劫永明時諸人分散駐沙洲蠻不
 之逐謂水至盡漂矣已而水至洲不沒蠻共神之百餘年

生聚日盛稱桂家兵力強羣蠻畏之厥力弱不能支蠻者
 丐請即往時亦有敏家大抵桂家之與也宮裏雁貌偉而
 恠滿面皆鬚每鬪矢石不能及身故為蠻所畏時與緬酋
 隙尙賢伺間入緬欲和之不聽因構緬與桂家戰不勝乃
 說其酋莽噠喇以進貢假威重可陰為已地緬乃從所言
 然尙賢亦不解為此謀時利尙賢者多故添此轉折尙賢
 但知自已進貢耳十六年進京貢十象并諸物究不能得
 葫蘆割付怏怏回已稟辭大府西行矣忽又追之回拘於
 空室餓而死尙賢死而厥徒散羣蠻自是輕漢人矣時莽
 噠喇不道十七年敏家破阿瓦走噠喇入據其城有甕藉

此仍襲其稱以自辱大也

牙者木梳之頭人也十八年九月與桂家戰勝之遂敗
 家十九年正月噠喇為得楞子所殺甕藉牙敗得楞自立
 於木梳尋徙阿瓦以力脅服諸土司且擊敗波龍厥走桂
 家遂篡緬甸莽氏絕二十五年甕藉牙死其子孟絡嗣與
 各部構兵如故二十七年宮裏雁為所追率其下謀內附
 駐孟連孟連土司刀派春苛索之宮裏雁不受土司約束
 會石牛厥周某相招宮裏雁念妻妾不相能乃置其妻曩
 占及男婦千餘人於孟連而挈其妾並奴婢六人赴厥宮
 裏雁既去刀派春乃分散其人於各寨而置曩占及二女
 於城中曩占知入牢籠潛語其人但望城中火來接應耳

已而派春索其畜產卽與之索其次女卽與之索其長女
卽與之乃索曩占曩占怒乘夜進其家手刃三十餘口遂
縱火其徒見火光盡集偕撒拉朶等奔孟養遂歸緬甸而
宮裏雁實不之知也而永昌守楊重穀聞變欲以宮裏雁
爲功乃訶周某好迂之周某始以好意請爲護厰後迫於
本府因賣友宮裏雁將行妾卜之不吉勸毋往不聽因泣
而從之至永昌至省不敢輕動也獄已具殺之于甕城以
其妾婢六人及阿占阿九付功臣家妾亦死之而緬禍自
此起矣滇人每言吳尙賢宮裏雁若在豈有邊禍其說雖
未必盡然然足以見邊地之情形能保厰者卽防邊也宮
裏雁與木邦相依倚無殊木邦通降緬擾邊明年遂犯猛
籠殺土目三十九年春退三十年孟洛死弟孟駁嗣時猛
九龍江出入無忌然不過小蠢動而已未至攻塞圍城也
而大員舉動惴惴輒欲自往以羅禍機三十一年三月三
日總督劉藻至於自殺迨楊應踞至事已靖矣而聽副將
趙宏榜之說生事邀功至於新街敗衄邊事無寧日矣三
十二年三月楊應踞逮入都而以承恩公明瑞代九月遊
兵分兩路明瑞由木邦進額爾登額由老官屯進明年正
月明瑞歿以忠勇公經畧三十四年經畧至於師緬人乞
降遂班師四十二年孟駁死子墜脚牙嗣四十七年爲禁

下孟嘗所殺國人殺孟嘗立孟隕蓋夔藉牙之第四子也
初爲僧至是國人迎立之五十三年順寧府知府全保
雲營參將花連布會稟據耿馬土司罕朝瓊稟報奉委巡
查滾弄江一帶以杜偷越有緬僧孟隕遣大頭目業渺瑞
洞細哈覺控委盧撒亞三名帶小頭目十二人跟役一百
餘人恭贖金葉表文金塔一座馴象八隻並寶石金箔檀
香大呢象牙等物又與咨文一件咨稱孟隕係夔藉牙第
四子自幼爲僧因兄憐馭死姪墜脚牙襲位淫惡不法殄
滅身亡頭人迎我掌管國事我深知憐馭父子行事錯謬
蒙

大皇帝恩德如

天撤兵以後不加征剿感激時深屢欲進貢因暹羅國時相侵
擾并移建城池未得備辦今荷

大皇帝洪福遠庇緬地得享安寧特差心腹大頭目業渺瑞洞

細哈覺控委盧撒亞等遵照古例齎送表文象隻貢物懇

請轉奏送京總督富 當委中軍副將定任通事都司翁

得勝等馳往耿馬察驗無異其大頭目內之細哈覺控卽

係四十二年得魯蘊遣齎果進關之孟幹小頭目內之

團係前同孟幹進內之孟矣與翁得勝等認識所稟祈求

入貢實爲真切總督富 會同巡撫譚 因據情入告然

以楊重英未經送出尙難遽信

詔以楊重英之送出與否無闕緊要令派員先送貢使親齎表文貢物趨行務於萬壽前趕至熱河象隻重累難行不妨委員按程護送凡筵宴接待事宜俱加優厚六月總督富令原任迤南道賀長庚順雲營叅將將花連布通事都司翁得勝副通事兵丁冶在朝伴送緬使細哈覺控委盧撒亞進京俱從優賞齎仍授賀長庚爲迤南道九月緬人送出楊重英行至耿馬病卒總督富會同巡撫譚具

聞

詔以楊重英並無從順緬甸情事道衙並將伊子楊長齡釋

放五十四年細哈覺控等回滇齎到賞賚各物并奉

詔遣還緬人孟五拉咯者朶波浦等四名回緬五十五年三月

孟隕遣目便居未駝便居覺抓細利覺抓南達佳蘇等齎金葉表文馴象六隻奇異花象一隻長壽聖佛一尊萬萬壽佛經一部及土產各物表文曰管轄緬甸地方小臣孟隕謹奏

大皇帝寶座念小臣前歲遣目投誠納款仰蒙

鴻慈恩准已屬萬幸乃上年貢使細哈覺控等轉回齎到御賜各種珍物小臣出城三站跪領不勝感激歡欣嗣又蒙賞還緬人孟五等四名小臣差目赴關接回

恩德如天。將何圖報。欣聞今年八月。恭逢

大皇帝八旬萬壽。萬國來朝。小臣已經歸附。

天朝。理應進表慶祝。叩謝

皇恩。不勝歡欣頌禱之至。至小臣乃蒙

恩准內附。自當永沐

生成。仍求

大皇帝逾格恩施。

勅賞小臣阿瓦封號。並准十年進貢一次。俾子子孫孫得以

世稱藩仰承

恩澤。再自禁止通商。以後邊民生計艱難。還祈照舊開關。使小

臣所產棉花等物。藉以銷售。不但小臣身蒙

厚德。卽舉國臣民均沐

天恩於萬萬年矣。謹具表以

聞。

詔允封王開闕並

御賜詩一章

勅諭一道。並珍珠手串荷包等物。令雲南糧儲道永慧廣南

叅將百福赴緬。宣封奏派知州屠述濂偕往。六月十五日

出鐵壁關。十七日賞還遷徙馬龍州木邦土司之姑母線

氏等八名口。抵騰知州屠述濂帶送出關。遣還孟頌。差自

阿渺大萬並其三子應也赴官屯一帶迎候沿途饋送魚
鹽食米極爲恭順永慧等賞賚有差十九日抵新街並給
備有船隻楊帆直下孟隕親出離阿瓦四站之九鈕城恭
迎

御賜七月初十日永慧等抵阿瓦宣封孟隕遵照指示儀注跪
迎行三跪九叩禮受封并將

勅書

御賜詩章珍珠手串荷包等物跪接敬謹收存永慧等於十二
日回舟孟隕出城親送並遣頭目齎金葉表文馴象二隻
貢物各色隨同永慧等赴京謝恩情願世守藩隅十年一

貢並謝賞還緣民之恩八月二十一日進鐵壁關二十七
日抵騰永慧百福伴送貢使便居也控蘇令覺應達覺三
人並小頭目暨跟役九人齎貢物表文進京知州屠述濂
沿途照料赴省投緡會之先於漢則有雍由調於唐則有
雍羗雍音甕去聲也前明則有雍罕於今則有甕藉牙其
屢次差投緡文每稱相傳一千七百餘年蓋自漢和帝永
元九年戊戌雍由調受金印紫綬以至於今乾隆庚戌凡
一千六百九十三年也自明莽瑞體開疆蠶食凡隸我邊
圉如木邦蠻暮猛拱猛養猛密景線景邁孟良及大小古
喇等部落雖叛服無常無不攝其兵威聽其驅使其立國

雖無綱紀而王以下則有四大萬次則名爲萬韜其外則
有七萬如暹羅則緬言攸得拉卽謂攸得拉萬自古結此
亦然與中國交則謂得魯萬夷言得魯漢人也萬卽頭人
之稱以萬作蘊者訛也其國好佛法有國師以緬字爲經
用回回歷不置閏其地近佛郎機西洋貨物聚於漾共關
廣皆通火器皆西洋製法用兵號令精嚴勝則賞甚厚賜
名號爲官員則殺無赦於軍前逃回者將其家小全行抄
殺故有逃者其家必令之出無敢逃者各萬無俸隨其攸
買賣以取利爲官資漢人亦不在用其地有漢人街則擇
漢人爲街長其性多疑犬羊性也所服一人始終不變總
兵哈國興自林崗寨角戰爲所畏服故每乞和必求見哈
國興得魯藉尤與熟蠻性如此然以邊禦邊一厥徒制之
而有餘故吳尙賢搆緬而莽噠喇敗死國滅宮裏厲以敢
百人扼天生橋而拒緬兵數萬惜乎自壞長城誰之咎哉
今緬酋來格請封開闕極爲恭順因爲此考見雍旧調之
進樂於漢雍羌之進象於唐書於史冊以爲盛事庶有以
風動之云